

Pujortarnermik inerteqquteqarneq pillugu Inatsisartut inatsisaat nr. xx, ulloq. qaamat 2010-meersoq

aamma

Tupa avatangiisinillu tupatorfiunngitsunik isumannaarineq kiisalu tupanik nioqqutissat nalunaaqutserneqartarneri pillugit Inatsisartut peqqussutaata allanngortinnejarnera pillugu Inatsisartut peqqussutaat nr. xx, xx qaammat 2010-meersoq.

pillugit

Inatsisartut Peqqissutsimut Ataatsimiititaliaata

ISUMALIUTISSISSIONAA

Siunnersuutip aappassaaneerneqarnerani saqqummiunneqartoq

Inatsisartut Peqqissutsimut Ataatsimiititaliaat suliariinninnermini kingullertigut ukuninnga

Inatsisartunut ilaasortaq, Olga P. Berthelsen, Inuit Ataqatigiit
Inatsisartunut ilaasortaq, Debora Kleist, Inuit Ataqatigiit
Inatsisartunut ilaasortaq, Jakob Skade, Kattusseqatigiit Partiat
Inatsisartunut ilaasortaq, Malik Berthelsen, Siumut
Inatsisartunut ilaasortaq, Akitsinnguaq Olsen, Siumut

Siullermeerinerup kingorna Inatsisartut Peqqissutsimut Ataatsimiititaliaata siunnersuutit misissorpai.

Siunnersuutigineqartut siunertarisaat imarisaallu:

Innuttaasut peqqissusiannik siuarsaaneq inuillu allat tupatorlutik pujortarnerisa pujuannik
UPA 2010/96 aamma UPA 2010/97

najuussuinikut nammineq piumassuserinngisamik ajoquserneqarsinnaanerup pinaveersaartinneqarnissaa Inatsisartut inatsisissaattut siunnersuutaapput.

Inatsisartut peqqusutissaattut siunnersuutip aallaavigaa qulaani siunnersuutigineqartup Inatsisartut inatsisissaattut siunnersuutiginertup kingunerisaanik aalajangersakkat arlallit peqqusummi pineqartumi nutaatut taarsiullugit Inatsisartut inatsisissaattut atutilissammata.

Pujortartarnermik inerteqquteqarneq pillugu, Inatsisartut inatsisissaattut siunnersuuteqarnerup akuersissutigineqarpata kingunerissavaa 1998-miit – 2004-mut pujortarnerup inerteqqutaanissaa pillugu maleruagassiat arlallit sukaterneqarnerat.

Inatsisartut ukiakkut 2007-mi aamma upernaakkut 2008-mi ataatsimiinneranni inini tamanit najorneqarsinaasunik tupatortarnerup killiliiffigineqarnissaanut siunnersuutit sisamat oqaluuserimmatigit pujortartarnerup ajoqtaasumik sunniutaasa erseqqisumik nassuerutigineqarnerat oqallinnermilu amerlanerussuteqartuni ersersinneqarmat, inatsisartut aalajangiipput inini tamani najorneqarsinnaasuni pujortarneq inerteqqutaalissasoq.

Peqqissutsimut Naalakkersuisup saqqummiinermini Inatsisartut inatsisissatut siunnersuummut nassuaatigaa, innuttaasut peqqinnissaat pillugu naalagaaffiup ilisimatusarfia nunatsinni innuttaasunik misissuinermik 2005-imiit 2007-mut ingerlatsitsisimasoq, misissuinermi tassani erseroq anersaartuititigut puatsigullu tupamut attuumassuteqartunik kræfteqarneq kræfteqartuni nunatsinni atugaanerpaasoq pujortartarnerullu kingunerisaanik aamma allat pujortarnerisigut pujumik najuussuinerup kingunerisaanik toqusartut tamarmiusut amerlassusiisa sisamararterutaasa missaaniittut.

Pujortanermik inerteqquteqarneq pillugu Inatsisartut inatsisaattut siunnersuuteqarnikkut tupatortartut ullumikkut ikiliartornerisa qulaarnaarneqarnissaa, innuttaasut peqqissuunissaata siuarsorneqarnissaa, pujortartangikkaluarlunilu putsumik najuussisarnermik akornutaalersartut pinaveersaartinneqarnissaat neriuutigineqarpoq.

Inatsisartut suliarinninnerat

Siullermeerinermi Inatsisissatut siunnersuutit marluiusut Inatsisartuni partiinit tamanit tapersorsorneqarlutik ataatsimiitaliamut ingerlateqqinnejarnissaat innersuussutigaat. Partiit

makku ilaatigut kaammatuutigeqqullugit eqqumaffigeqqullugillu saqqummiussaanut ilaapput, sumiiffinni tamani silami arsakoorfinnik inissiisoqarnissaa, maangaannaq eqqaasoqannginnissaa nunamillu eqqiluitsuutitsinissap isumannaarneqarnissaa anguneqassasoq.

Ataatsimiititaliap suliarinninnera

Ataatsimiititaliap tamarmiusup sumiiffinni tamani inuit orniguttarfiini katerisimaartarfiinilu pujortartarnerup inatsisitigut inerteqqutaalernissaa tapersorsorpaa. Ataatsimiititaliami pingaartinneqarluni eqqartorneqartunut ilaavoq, piffissami sivisuumi pujortartarnerup Inatsisartuni eqqartorneqareerluni tassungalu atasunik inatsisitigut sukaterisoqareersimanerata kingunerisaanik maanna inuit ornittagaat suliffeqarfiiillu 10-t pallillugit sulisoqartuni tamani pujortarfijunnaarnissaat.

Inatsisip 1. januar 2010 aallarnerfigalugu atuutilertussaagaluarpoq. Tamannalu 1. oktober 2010 kinguartinneqarpoq.

Ataatsimiititaliaq tamarmiusoq isumaqarpoq inuit orniguttarfii suliffeqarfiiillu inatsisissap atuutilernissaanut piareersarfissaat naammattoq, taamaalilluni inatsisissap eqqunneqarnissaa kinguarteqqissallugu pissutissaqanngitsoq.

Ataatsimiititaliap tamarmiusup isumaqatigiissutigalugu aalajangiuppa, unioqqutitsinerit aalajangersakkat inatsisissami pineqartumi allaqqasut aallaavigalugit, sulisitsut sulisuminntu najoqqutassiornissaat iliuusissanillu aallussilluarnerisa kingunerisaanik inatsisip atuutsinneqarnissaata siunertaa malillugu kinguneqarluarumaartoq.

Ataatsimiititaliap erseqqissarumavaa pineqaatissiilluni pillammik akiliisitsisoqarsinnaaneq unioqqutitsisunut tamatigut pillammik akiliuteqartitsinissaq inatsisissami siunertarineqanngimmat. Ataatsimiititaliap erseqqissarumavaa inatsisinik unioqqutitsisoqartillugu pillammik akiliisitsilluni pineqaatissiinerit inunnut ataasiakkaanut soorlu unnuisarfinni pujortafigeqqusangitsuni ilaatigut atuutereermat.

Ataatsimiititaliaq naatsorsuutigaa inatsisissap atuutilernerani atuisut allatuulli sungiussiniarnissaat tamannalu piffissaq sivisunngitsoq atorlugu piumaartoq.

Naggataatigut ataatsimiitiliap tamarmiusup kissaatigaa pujortartarnerup inerteqqutaalernissaanut inatsisissap inuit peqqinnerulernissaannut annertuumik aqutissiuusseqataalluni kinguneqarluarumaartoq.

Inassuteqaatit

UPA 2010 / 96: ” Pujortarnermik inerteqquteqarneq pillugu Inatsisartut inatsisaat nr. xx, ulloq. qaammat 2010-meersoq. “

aamma

UPA 2010 / 97: “ Tupa avatangiisinillu tupatorfiunngitsunik isumannaarineq kiisalu tapanik nioqquutissat nalunaaqutserneqartarneri pilligit Inatsisartut peqqussutaata allanngortinneqarnera pillugu Inatsisartut peqqussutaat nr. xx, xx qaammat 2010-meersoq. “

Peqqissutsimut Ataatsimiititaliap tamanna tunngavigalugu inatsisissatut siunnersuutit akuersissutigineqarnissaat inassutigaat.

Taama oqaaseqarluni Peqqissutsimut Ataatsimiititaliap siunnersuutit Inatsisartunut aappassaaniigassannortippaat.

29. april 2010

UPA 2010/96
UPA 2010/97

Olga P. Berthelsen,

Siulittaasoq

Debora Kleist

Jakob Skade

Malik Berthelsen

Akitsinnguaq Olsen